



جمعية العلماء ومدرسي الدين الإسلامي بسنغافورة

PERSATUAN ULAMA DAN GURU-GURU AGAMA ISLAM (SINGAPURA)
SINGAPORE ISLAMIC SCHOLARS & RELIGIOUS TEACHERS ASSOCIATION

PERGAS

Kenyataan Media

8 Ogos 2016

RESPONS PERGAS TERHADAP PERISTIWA PERCUBAAN PEMBUNUHAN SHEIKH DR ALI GOMAA

Merujuk kepada peristiwa percubaan membunuh Mantan Mufti Besar Negara Mesir, Sheikh Dr Ali Gomaa pada 5 Ogos 2016 yang lalu, di mana dalam kejadian tersebut beliau dilaporkan terselamat.

2 Pergas memandang berat kejadian ini dan mengutuk keras sebarang percubaan membunuh atau pertumpahan darah di kalangan umat Islam, apatah lagi jika dikaitkan dengan para Ulama. Malah, ini bukanlah merupakan kali pertama golongan pelampau mencuba untuk membunuh para ulama, tokoh dan pakar ilmu agama.

3 Ahli ilmu merupakan golongan yang amat disayangi oleh Allah s.w.t. Sabda Rasulullah s.a.w.:

فَضْلُ الْعَالِمِ عَلَى الْعَابِدِ كَفَضْلِ الْقَمَرِ عَلَى النُّجُومِ. الْعُلَمَاءُ وَرَثَةُ الْأَنْبِيَاءِ، وَالْأَنْبِيَاءُ لَمْ يُورَثُوا دِينَارًا وَلَا دِرْهَمًا
وَإِنَّمَا وَرَثُوا الْعِلْمَ فَمَنْ أَخَذَهُ أَخَذَ بِحِطِّ وَافِرٍ.

Ertinya: "Keutamaan seseorang 'alim (berilmu) atas seorang 'abid (ahli ibadah) seperti keutamaan bulan atas seluruh bintang-bintang. Sesungguhnya ulama itu pewaris para Nabi. Sesungguhnya para Nabi tidaklah mewariskan dinar maupun dirham, mereka hanyalah mewariskan ilmu, maka barangsiapa mengambilnya (warisan ilmu) maka dia telah mengambil keuntungan yang banyak." [Tirmidzi]

4 Perbezaan pandangan dalam agama mahupun yang lain, tidak seharusnya dibiarkan merangsang keganasan. Sikap ini bukan sahaja melanggar etika kemanusiaan, tetapi juga merupakan pengaruh syaitan dan hawa nafsu, selain juga pastinya merupakan perkara yang dilarang dalam Islam.

5 Semoga Allah s.w.t. memberikan keselamatan dan kesejahteraan kepada Sheikh Dr Ali Gomaa dan sekalian para Ulama, masyarakat Islam dan warga dunia serta dipelihara Allah dari sebarang bahaya yang menimpa.

6 Pergas berharap agar isu ini menjadi satu iktibar buat masyarakat Islam Singapura untuk terus bersyukur dengan keamanan yang diraih dan terus menghargai keharmonian yang dinikmati di negara ini. Semoga Allah memberi hidayah kepada kita untuk mencapai kematangan di dalam berfikir dan bertindak.

PERSATUAN ULAMA DAN GURU-GURU AGAMA ISLAM (SINGAPURA)